

subinde restituendo; tum dilue Aqua fervente et cola. Terrae probe ablutae, et aquae sextuplo dilutae, affunde Acidum muriaticum, donec nihil amplius solvatur. Solutione facta filtra et evapora, donec exsicceatur. Massa residua in crucibulo excandescat. Refrigeratam et pulveratam in aqua fervida solve, solutam et limpidissime filtratam ad crystallisationis momentum evapora. Crystallos collectas conserva.

Bismuthum oxydatum album.

(Magisterium Bismuthi.)

℞. Bismuthi puri Uncias duas,
Acidi nitrici Uncias sex, vel quantum satis ad solvendum.

Bismuthum grossiuscule contusum Acido nitrico successiveingere, solutum Aquae dimidio dilue, filtra, et in vas vitreum, Aquae limpidae circiter Libras viginti jam continens, effunde. Bismuthum oxydatum per aquam praecipitatum, quam optime edulcora, et loco calido, radiis solaribus non exposito, exsicca atque conserva.

Calcaria muriatica.

(Sal ammoniacum fixum.)

℞. Calcariae carbonicae purae, aut Testarum Ostrearum purificatarum, quantum vis.

Solve in

Acido muriatico,

filtra, et in vase vitreo aut porcellaneo evapora. Sal siccum adhuc calens statim in vitro clauso conserva.

Obtineri etiam potest e residuo ex sublimatione Ammonii carbonici, ope Cretae peracta; residuum in aqua solvendo et liquorem filtratum limpidum evaporando, donec exsicceatur.

Calcaria sulphurata.

(*Hepar Sulphuris calcareum.*)

- ℞. Calcariae ustae pulveratae Uncias duas,
Sulphuris puri Unciam unam.
Mixtis sensim affunde
Aquae fervidae Uncias sedecim.
Supra modicum ignem, continue agitando, evaporent
ad siccum. In vase vitreo clauso serva.

Calcaria sulphurato-stibiata.

(*Calx Antimonii cum Sulphure.*)

- ℞. Calcariae, recenter ustae, pulveratae Unciam unam
cum dimidia,
Sulphuris stibiati aurantiaci Unciam dimidiam.
Invicem tritis sensim adde
Aquae fervidae Uncias duodecim.
In vase porcellaneo, sub agitatione continuata, leni ca-
lore exsicca, et pulverem ex albido flavescens in vitro
obturato serva.

Carbo purus.

Ligni Tiliae, vel alius arboris, frustula urantur in
retorta terrea, aut in crucibulo clauso, cujus operculum
foramine parvo instructum est, usque donec fumus peni-
tus desinit. Carbo remanens in pulverem tritus servetur
in vase clauso.

Carbo Spongiae.

(*Spongiae ustae*)

℞. E Spongia marina mundata eodem modo Carbo est
parandus.

Ceratum Aeruginis.

(Cera viridis.)

℞. Cerae flavae Libram unam,
Resinae Pini Uncias sex,
Terebinthinae Uncias quatuor,
Aeruginis tritae Unciam unam.
Misce fiat Ceratum.

3i.
℞.
℞iiij.
℞ii.

Ceratum Resinae Pini.

(Ceratum citrinum.)

℞. Cerae flavae Libras duas,
Resinae Pini Libram unam,
Sevi ovilli,
Terebinthinae, singulorum Libram dimidiam.
Fiat lege artis Ceratum.

Cereoli saturnini.

(Cereoli mitigantes.)

℞. Cerae flavae Uncias sex,
Liquatis admisce assidue agitando
Aceti saturnini Drachmas duas.
Leni calore liquefactis et ab igne remotis immerge telas
luteas tentes, ex quibus lege artis fiant Cereoli, super-
ficie laevi, et forma exacta.

Cereoli simplices.

(Cereoli exploratorii.)

℞. Cerae flavae Uncias sex,
Olei Olivarum Unciam unam.
Post lenem humidi evaporationem, ex massa, ab igne
remota, fiant Cereoli, uti supra.

Cinna-

Cinnabaris.

- ℞. Hydrargyri puri Uncias viginti quatuor,
Sulphuris puri Uncias quatuor.

Sulphuri, in vase ferreo leni igne liquato, paulatim ad-
jice Hydrargyrum antea calefactum, assidue spathula fer-
rea agitando, ut bene misceantur. Flammam, simulac
mixture conceperit, extingue operculo vasi adaptato;
deinde massam in pulverem redactam immitte in phialam,
et ex arena, igne sensim aucto, sublima. Massam subli-
matam crystallinam, laevigando cum aqua, in pollen sub-
tilissimum redige.

Colocynthis praeparata.

(Trochisci Alhandal.)

- ℞. Pulpae Colocynthis, a seminibus liberatae et minu-
tim concisae, Uncias quinque,
Gummi Mimosae pulverati Unciam unam.

Cum Aquae quantitate sufficiente fiat pasta, quae ex-
siccata in pulverem redigatur subtilem.

Conserva Cochleariae.

- ℞. Foliorum recentium Cochleariae Libram unam.
Contundantur in mortario lapideo, ope pistilli lignei;
in pulvem, admiscendo successive
Sacchari albi pulverati Libras tres.

Conserva Rosarum.

- ℞. Petalorum Rosarum rubrarum recentium Libram
unam,
Sacchari albi pulverati Libras duas.
Fiat Conserva uti supra.

Cuprum ammoniatum.

℞. Crystallorum Cupri sulphurici quantum placet.

Solve in

Aquae destillatae fervidae triplo;

adde

Liquoris Ammonii caustici

quantum requiritur, ut praecipitatum, ab initio natum denuo perfecte solvatur. Liquorem cynaneum in vase vitreo ad tertiam partem evapora, et cum totidem partibus Spiritus vini rectificatissimi misce. Crystallos inde ortas, coloris caerulei saturati, collige et in vitro clauso conserva.

Cuprum sulphuricum.

(*Vitriolum de Cupro.*)

℞. Ramentorum Cupri, quantum vis,

Acidi sulphurici concentrati triplum.

Misce, et ex retorta vitrea Acidum sulphureum destillando elice. Massam remanentem contritam dissolve in Aqua fervida, solutam filtra, et ad crystallisandum sepone.

Elaeosaccharum Anisi.

℞. Sacchari albissimi pulverati Unciam unam,

Olei Anisi aetherei Guttas viginti quatuor.

Misce.

Eodem modo parantur:

Elaeosaccharum Cinnamomi;

Foeniculi;

Menthae piperitae;

et reliqua.